



UNIVERSITÄTS-
BIBLIOTHEK
PADERBORN

Universitätsbibliothek Paderborn

Vera Concilii Tridentini Historia

Contra falsam Petri Suavis Polani narrationem

Pallavicino, Sforza

Antverpiae, 1670

Capvt XII. Sessio septima.

urn:nbn:de:hbz:466:1-11665

1547. instituantur, neque admittantur, etiam praetextu cuiusvis priuilegij, seu consuetudinis, etiam ab immemorabili tempore prescripte, nisi fuerint prius a locorum Ordinariis examinati, & idonei reperti. Et nullus appellationis remedio se tueri posset, quo minus examen subire teneatur. Presentatis tamen, electis, seu nominatis ab Vniuersitatibus, seu Collegiis generalium studiorum exceptis.

In exemptorum causis seruetur Constitutio Innocentij Quarti, quæ incipit, 16
VOLENTE, tit. de priuilegiis, in sexto Decretalium, edita in Concilio
Lugdunensi, & in causis ciuilium mercedum, & miserabilium personarum,
Clerici seculares aut regulares extra monasterium degentes, quomodolibet
exempti, etiam certum iudicem a Sede Apostolica deputatum in partibus
habent, conueniri, & iure medio ad soluendum debitum cogi possint coram
locorum Ordinariis, tamquam ab eadem Sede delegatis, & ita pariter in
cunctis aliis causis ciuilibus, si iudicem deputatum non habuerint.

Curent Ordinarij, ut hospitalia ab ipsorum administratoribus fideliter 17
& diligenter gubernentur, formâ seruatâ Constitutionis Concilij Viennensis,
quæ incipit, QVIA CONTINGIT, tit. de religiosis domibus, quam sancta
Synodus nunc innovat simul cum omnibus derogationibus in ea contentis.

C A P V T XII.

Sessio septima.

IN formandis Canonibus & Decretis nihil labori pepercere, vt 1
præscripto die Sessio celebraretur. Singulis ferè diebus manè
Theologi coram Ceruino, Iuris Canonici Consulti coram
Montano conueniebant: pomeridianum tempus generalibus con-
gressibus impendebatur; vbi quidquid in peculiaribus agitatum
fuerat, exponebatur simul & expendebatur: eiusmodi autem con-
stans labor ad postremum usque ante Sessionem diem continuatus;
quo die Canones ac Decreta perfecta ac stabilita sunt, paucis re-
pugnantibus, iisdemque plane, qui in ipsa Sessione contradixerant,
quemadmodum narrabitur.

Deuentum itaque ad opus die 3. Martij, rem Diuinam solemniter
celebrante Andreâ Cauco Archiepiscopo Corcyrensi. Latina
concio desiderata est, quod Martiranus S. Marci Episcopus, cui
munus illud impositum fuerat, adeò ob anni temporum intempe-
riem premebatur raucedine, vt ne vocis quidem sonum edere pos-
set. Id refert Suavis tamquam ex Actis petitum, sed gemino illu-
strat commento.

Alterum est: Deperditam Martirani vocem obtentum quem-;
dam

dam fuisse; sed reuerà pudiuisse Praesulem publicam in lucem prodire, ob nescio quas offensiones in conuentibus paulò antè à Legatis acceptas. Merum putum inuentum, pro eo ac deducere licet ex Actis, ex Diariis, ex monumentis, vbi hac de re planè nihil: neque suspicari fas est, id ibi consulto prætermissum, cùm è contrario elegantur ibidem plurima inter Patres dissidia, plurimæque à Legatis in ipsos habitas obiurgationes, & à me non omisssas; qui nolui vera dissimulare, quamuis mihi molesta, & à Suaui non adducta, qui vera diuinare nequiit, quamuis sibi periucunda. Imò etsi in eo quod narrat fuisse relatum in Acta hanc deficiente Martirani vocem ceu causam prætermissa Latinæ orationis, ille neutiquam mentiatur; non tamen possum in animum inducere, fuisse ab eo Acta perfecta, ratus non eò impudentiæ hominem prolapsum, vt si rerum gestarum fuisse ex Actis conscius, tam animose reliqua commentus ac mentitus fuisse, etiam in eo, quod in rem suam non cedebat. Mihi potius persuadeo, compertum illi fuisse, id in Actis contineri ex arcans narratiunculis rerum Tridentinarum, quæ sicuti alibi insinuauimus, spargebantur ad alendam malignitatem, emungendasque Germanorum hæreticorum crumenas.

- 4 Altera Suavis commentatio est: Se priùs admiratum, quā fieri posset, vt in tanta Episcoporum ac Regularium frequentia nemo adesset, cui suppetaret animus ad supplendum Concionatoris destinati locum, postea pronuntiasse, Omissam huiusc rei memoriam in Actis, certo esse documento, tunc minimè cogitatum fuisse, ventura quandoque tempora, quibus illius Cœtus actiones censendæ esent pares Apostolorum Actis, cùm in vnum congregati, aduentum S. Spiritus opperiebantur. Quantum verba sonant, verum loquitur: nec ea tempora vñquam venere, cùm perspicuum sit, Apostolos excelluisse diuinitus subitariâ facultate dicendi, & quois idiomatum genere; at verò Patres ac Theologos Tridentinos oratione vti non potuisse, nisi pro mensura laboris studiique suscepisti, & facultatis à natura sibi concessæ, quod similiter in Niceno, cunctisque Oecumenicis Conciliis euenit. Quod si præterea significare Suavis intendit, tunc Patres haud existimasse venturum esse tempus, quo actiones omnes eorum, qui in Concilio aderant, in veneratione habendæ essent, tamquam numeris omnibus absolute, & æquè sanctæ ac actiones Apostolorum in vnum conuenientium, & sancti Spiritus aduentum præstolantium; profectò neque pariter hic dies vñquam illuxit, cùm ex innumeris monumentis tum priuatis tum publicis constet, ab iis Patribus, Apostolorum in auctoritate

1547.

ritate successoribus, non item paribus in sanctitate, plura non citra noxam patrata fuisse. Quod similiter nouum non est in Tridentina Synodo, sed in cunctis itidem accidit quotquot vniquam Ecclesia celebrauit. Atque hac de re satis sit omnium loco legere, quæ S. Gregorius Nazianzenus de prima Constantinopolitana Synodo memoriarum tradidit.

Sin autem Suavis inde conficit, tunc opinatos haud fuisse, venturam vniquam aratorem, quâ Cœtus ille magnâ veneratione colendus esset, næ is mendosâ vti argumentatione mihi videtur. Quod nemo tot inter Antistites, tot inter priuatos Theologos, qui tandem totius in Europa sapientiarum flos erant, & quorum Opera typis edita, sacra etiam eloquentiarum præstantiarum clarent, fuerit ausus ad eam panegyrim imparatus dicere, verius in eo colligitur summa de tanto theatro existimatio. Sanè si è minori suggestu dicendum fuisse, illorum plurimi concidissent. Quis ignorat, Oratoris timorem oriri è reverentia in auditorem, & ex Rhetorum præscripto etiam à non formidante formidinem simulari, vt vel eâ existimationis specie benevolentiam aucupetur. Neque arbitror sibi quempiam persuasisse, Senatum, aut populum, aut exercitum Romanum in paruo fuisse pretio, vbi legerit apud Suetonium, * Augustum, quamvis regnare, & artibus dicendi excellenter excultum, ausum numquam fuisse verba illis facere, nisi ex meditato, & ex scripto. Huc accedit, quod habitæ ad Synodus conciones statim euulgabantur per omnes Christianorum prouincias, ac malignæ Septemtrionis censuræ subiacebant, longeque maligniori futuri quandoque Suavis. Quin etiam concepta solum, & non edita ea Martiriani oratio extat in Actis: quamobrem temerarium fuisse acutissimis inuidentiarum oculis exponere opus extemporale, & cum eo non priuati modò, sed publici nominis existimationem.

Omissa itaque in ea solemnitate sermone, propositi Canones, ac pleno consensu probati, qui reparationem disciplinæ continebant. Quinquaginta nouem suffragia citra exceptionem habuere reliqui Canones, cum aliqua exceptione tredecim suffragiis recepti sunt: quæ exceptiones in eo sitæ erant, seu quod aliqui vellent nominatum Cardinales apponi (id per schedulas petiere Pacensis, Asturensis, Oscensis, Calaguritanus, Claramontanus) seu quod quidam titulum sive memoratum poscerent, nimurum aliqui ex nominatis, simulque Portuensis, Boiensis, Fæsulanus, Lancianensis, Stabiensis, & Mitilenensis; seu quod postularent, ne quid inferretur præiudicij Ordinariæ Episcoporum iurisdictioni, cum iuberentur agere tamquam

* Cap.47.in
Vita Augu-
sti.

quam Sedis Apostolicæ delegati : & in hanc sententiam iuere Senogallensis & Fæsulanus. Denique ex paucis quibusdam Hispanorum, quos nominauimus, optabant alij vt in exemptos efficacius ageretur ; alij, vt duo simul obtinere sacerdotia, quibus animarum cura connecteretur, vni eidemque Sacerdoti liceret.

6 Affirmat Suavis, *Audita à Legatis Patrum verba tamquam voces hominum, qui nil amplius possent quam halitum exhalare.* Iniquissima planè accusatio est, de eo conqueri quod & fit, & fieri oportet in cuiuscumque Senatus administratione : perinde ac pariter iniquum est, quod sententia non dicam plurium, sed sex partium, sententiæ partis septimæ anteferatur. Præterquam quod nisi oculos sibi datâ operâ eruisset (quod de illo veteri Philosopho scribitur) non poterat non intueri Suavis libertatem aliter agendi Legatis ademptam, cùm ipsis Diplomate Pontificio fuisset præscriptum, vt in decisib⁹ suffragia plurium sequerentur : idque tam longè absuit quod ipsis esset arbitrium, vt in proxima superiori Sessione, quoniam dubitabatur an à pluribus absolutè comprobarentur Decreta, res ad duos ferè menses fuerit prorogata, eo consilio, vt Decreta illa mutarentur ; nec habita pro legitimis fuerint, donec concordi omnes sententiæ conuenere de legitima illorum per plures suffragatores sanctiōne. Postremo loco designatus futuræ Sessioni dies vigesimus primus Aprilis, hoc est feria quinta post octauum à Paschate diem, Stabiensi solum renuente, cui certæ diei præscriptio minime probabatur. Usque adeò sententiæ à se conceptæ quispiam amator est, vt eam parere cupiat ad vitam etiam inutilem atque despiciam.

C A P V T XIII.

Coloniensis Archiepiscopatu priuatus. Contagiosus Tridenti morbus : & translatio Synodi sermonibus agitata.

Intrœa Cæsar calore famâque victoriæ usus, sententiam Pontificis in Hermannum Colonensem Archiepiscopum, hæresis & contumacia reum, exequi voluit, eò missis duobus cum potestate viris, qui Rodulfum eiusdem Ecclesiæ Adiutorem illi sufficerent. Hermannus iniuisus clero, multisque popularium odiosus, nec animi nec virium satis habuit, quibus Caroli potentia obluctaretur. Cedere itaque coactus, in Vandensem familie suæ ditionem fese abdidit, ad obscurum & ignobile senium conterendum. Suavis hæreticorum encomiastes, Hermanni generosum animum hinc effert

Pars II.

I

fert